

許氏說文

一
函
十二冊

石渠閣訂閱

江苏工业学院图书馆
藏书章

訖氏說文

字由木業

梅墅竹韻居較梓

許氏說文

銀青光祿大夫守右散騎常侍上柱國東海縣開國子食邑五百戶臣徐鉉等校定

古者庖犧氏之王天下也仰則觀象
於天府則觀法於地視鳥獸之文與
地之宜近取諸身遠取諸物於是始
作易八卦以垂憲象及神農氏結繩
爲治而統其事庶業其繁飾僞萌生

黃帝之史倉頡見鳥獸蹏迒之迹知
分理之可相別異也初造書契百工
以乂萬品以察蓋取諸夬夬揚于王
庭言文者宣教明化於王者朝廷君
子所以施祿及下居德則忌也倉頡
之初作書蓋依類象形故謂之文其
後形聲相益即謂之字字者言孳乳

而浸多也著於竹帛謂之書書者如
也以迄五帝三王之世改易殊體封
于泰山者七十有二代靡有同焉周
禮八歲入小學保氏教國子先以六
書一曰指事指事者視而可識察而
可見上下是也二曰象形象形者書
成其物隨體詰詘日月是也三曰形

聲形聲者以事爲名取譬相成江河
是也四曰會意會意者比類合誼以
見 獨武信是也五曰轉注轉注者
建類一首同意相受考老是也六曰
假借假借者本無其字依聲託事令
長是也及宣王太史籀著大篆十五
篇與古文或異至孔子書六經左丘

明述春秋傳皆以古文厥意可得而
說其後諸侯力政不統於王惡禮樂
之害已而皆去其典籍分爲七國田
疇異晦車涂異軌律令異法衣冠異
制言
其聲文字異形秦始皇帝初
兼天下丞相李斯乃奏同之罷其不
與秦文合者斯作蒼頡篇中車府令

趙高作爰歷篇太史令胡毋敬作博
學篇皆取史籀大篆或頗省改所謂
小篆也是時秦燒滅經書滌除舊
典大發隸卒興役戍官獄職務繁初
有隸書以趣約易而古文由此絕矣

徐鉉曰王僧虔云秦獄吏程邈善大篆得臯繫雲陽
獄增減大篆去其繁複始皇善之出爲御史名其書
曰隸書班固云謂施之於徒隸也
即今之隸書而無點畫俯仰之勢
自爾秦書有

八體一曰大篆二曰小篆三曰刻符

四曰蟲書

徐鍇曰案漢書注蟲書即鳥書以書幡信首象鳥形即下云鳥蟲是也

五曰摹印

蕭子良以刻符摹印合為一體徐鍇以為符者竹而中剖之字形半分理

應別為一體摹印屈曲填密則秦璽文也子良誤合之

六曰署書

蕭子良云署書

漢高

肅何所定以題蒼龍白虎

七曰殳書

二闕羊

云何覃思累月然後題之

徐鍇曰書於殳也殳體

八曰隸書漢興有

八觚隨其勢而書之

艸書

徐鍇曰案書傳多云張竝作艸又云齊相杜探作據說文則張竝之前已有矣蕭子良云

藁書者董仲舒欲言災異藁艸未上即爲藁書藁者
艸之初也史記上官奪屈原藁艸今云漢興有艸知
所言藁艸是創
尉律徐鍇曰尉律漢律篇名學僅十
艸非艸書也

七日始試諷籀書九千字乃得爲
吏又以八體試之郡移太史并課最
者以爲尚書史書或不正輒舉劾之
今雖有尉律不課小學不修莫達其
說久矣孝宣時召通蒼頡讀者張敞

從受之涼州刺史杜業沛人爰禮講
學大夫秦近亦能言之孝平時徵禮
等百餘人令說文字未央廷中以禮
爲小學元士黃門侍郎楊雄采以作
訓纂篇凡蒼頡已下十四篇凡五千
三百四十字羣書所載略存之矣及
亡新居攝使大司空甄豐等校文書

之部自以爲應制作頗改定古文時
有六書一曰古文孔子壁中書也二
曰奇字即古文而異者也三曰篆書
即小篆秦始皇帝使下杜人程邈所

作也

徐鍇曰李斯雖改史篇爲
秦篆而程邈復同作也

四曰佐書即

秦隸書五曰繆篆所以摹印也六曰
鳥蟲書所以書幡信也壁中書者魯

恭王壞孔子宅而得禮記尚書春秋
論語孝經又北平侯張倉獻春秋左
氏傳郡國亦徃徃於山川得鼎彝其
銘即前代之古文皆自相似雖叵復
見遠流其詳可得略說也而世人大
共非訾以爲好奇者也故詭更正文
鄉壁虛造不可知之書變亂常行以

燿於世諸生競說字解經誼稱秦之
隸書爲蒼頡時書云父子相傳何得
改易乃猥曰馬頭人爲長人持十爲
斗虫者屈中也廷尉說律至以字斷
法苛人受錢苛之字止句也若此者
甚衆皆不合孔氏古文謬於史籀俗
儒鄙夫翫其所習蔽所希聞不見通

學未嘗覩字例之條怪舊執而善野
言以其所知爲祕妙究洞聖人之微
惜又見蒼頡篇中幼子承詔因號古
帝之所作也其辭有神僊之術焉其
迷誤不諭豈不悖哉書曰予欲觀古
人之象言必遵修舊文而不穿鑿孔
子曰吾猶及史之闕文今亡也夫蓋

非其不知而不問人用已私是非無
正巧說衰辭使天下學者疑蓋文字
者經藝之本王政之始前人所以垂
後後人所以識古故曰本立而道生
知天下之至嘖而不可亂也今敘象
文合以古籀博采通人至于小大信
而有證稽譏其說將以理羣類解謬

誤曉學者達神旨

徐鍇曰旨即意旨字旨者美也多通用

分

別部居不相雜用

徐鍇曰分部相從自許始也

萬物

咸覩靡不兼載厥誼不昭爰明以諭

其併易孟氏書孔氏詩毛氏禮周官

春秋左氏論語孝經皆古文也於其

所不知蓋闕如也

敘曰此十四篇五百四十部九千三